



kinguanut 2000 BC, kihimi amigaitut hanalgutait Thule Inuit (300mit 800mut ukiuni) ovalo ublumi Inuit (kinguani 200ni ukiuni). Titigakhimayut makpigaat ilauyut nunauyait apkotauyait ovalo ukaktait aaltkiit ikluvugaluit talvani. Hapkoa ikluvugaluit ilangit ihuakhakhimayut, kihimi kimakhimayut taimaatut kangagaaluk ovalo naluhuinahuagiagani kanugitut ovalo piksaliulugit ilauniaktut kiniktanik.

Pihuyayaktitlutit, takulaaktutit 9nik ukiumi ikluit katimayut haniani tahiyuat. Thule Inuit inuuvaktut uyakat ovalo makluit ikluinik kaanganiitumik aminik ikayuktauyut hauniinit ovalo tulimaat akvinit. Upingaagaagat, makhaktiligaagat, hapkoa ikluit atuyuitut kihimi tupiktukpaktut. Haniani apkotauyait, nalvaalaaktutit mikiyunik uyakanik tupikviit, piguyaviit ovalo aalat tupikviit, amigaitunik hiniktakviit uyakanik. Nalvaalaaktutitlu uyakanik naunaiyutainik, *inuksuit* tikuaktut nakuuyut hiniktakvihait, nunait atukhimayut piguyavikhainik ovaluniit apkotauyait tikitiktut maliktakhainik aalat. Angiyut uyakat atukhimayut kayakakviinik, atukhimayait *qayaviiniq* kingigiagani.

Apkotauyait hanianuuktuk mikiyut kingiktuit ovalo kataktikhutik hinaanut nani amigaitut kilalugait hauniit ovalo nunat pikatut amigaivyaktunik uyakanik naunaiyutait iluviit. Pikatuk amigaitunik tupikvinik haniani kingiktuit ovalo aalangayuk kaimalugayuk tigiianiakhiuvik uyakanik, ahiguikatainamata haniani hiniktakviit. Hanahimayut uyakanut, aatjikutaatut *iglu* hanatjutainik, uyakat ihuakhimalutik. Nigiyakhait iluaniitut ovalo angmaumaitait kingiktut nani, tigiianiit mayulaitiklugit. Tigigianiakhiukviit utukayut 100nik ukiunik; kihimi niuviktiit kaimata nanigianik pihimayunik, hapkoa uyakat atugunaitut.

AALATKIIT NUNAUAYAT OVALO NUNAVALUIT

Amigaitut nunauyut takulaaktut auyami, nunauyut uyakaniitut ovaluniit paungat amigaikpaktut ukiakhami, nunauyut amigaikpaktut ukiuktaktumi. Apkotauyait maligutait ilauyut tuhagutikhainik ukiuktaktumi nunauyait, ilauyut ukiuktaktumi uviluit, maliyuktut hikinimik. Nipaat nunauyut uyakani, piniktut champion nunauyait, mikiyut kihuit ovalo imakatumi, kakuktut uviliut.

Tingmiat amigaitut takuyaangani pihuyayugvit Dorset ovalo Mallikjuaq Kikiktait, ilauyut tulugait, hapkoa ayongitut nigiyuktut nailaaktut nanunik tukuhimayainik unghaktumit, kaalaat, okpiit ovalo akilgiit. Kingiktut tamamik kikiktait nakuuyut kinikhiagiagami tagiumi umayuit ovalo tingmiat. Haniani kikiktait, tagiumi tingmiat, black guillemots, mures ovalo dovkie ikalukhiukpaktut tagiumi ovaluniit tingmikatakhtuk ivaviinut kaiktumi. Tagiumi umayuit ilauyut, natiit, kilalugait takulaaktut haniani Kinngait. Angiyut akviit takukatainangitut kihimi

takulaaktut ilaani. Nunani umayut ikitut kihimi okaliit takuyaulikpaktut pihuktunit kikiktani. Takulaaktutlu ilaani tuktunik, taimaa pulaaktut kungiakatakhtukhat nunami.

AUTLAAGUTIKHAIT PULAAKATAKVIMI

Mallikjuaq Nunavumi Pulaakatakvik nunauyait tunilaaktut maligutikhainik kikiktami ovalo ukautainik pulaakatakviit amigaitut takuyakhainik. Pilaaktutit aatjikutainik Nunavumi Pulaaktiligiyit, Mallikjuaq Pulaakatakvik Havakviit ovaluniit Kinngait hamletkut titigakviani.

Apkotauyait Dorset ovalo Mallikjuaq pihulaaktut malgunit talimanut ikaaninik – langit pihukviit nakuuyut, ilangitlu ayonavyaktut. Mallikjuaq Kikiktait tikilaaktut auyami kayaktuklugit Kinngainit ovaluniit pihuklugit (ilaani kayumiktumik pihuklugit imailguit). Pihukvit kikiktait imailguini, takulaaktutit Inunik uvilukhiuktunik imailguini. Munagiyit atulaaktut pulaakatakvimut kayakut ovalo ilaniaktut alianautainik; ukakatigilaaktut ukautainik kinguliit nunait ovalo ukalugit ikluviit ovalo hanalgutait, ihuatkiyat taiguagutainit makpigaat. Pulaakatakvik havakviit Kinngaini ikayulaaktut autlaagutikhainik. Hiniktalaaktut kikiktaini ovalo pulaakatakvit havakviit ikayulaaktut nakuuyumik hiniktakvihainik. Nanuit takuyaukataluungitut kihimi ihumagiyauyukhat.

Ukiumi ovalo upingaami, pihugiagani ovaluniit skidookut hikukut ayonaituk Mallikjuaq kikiktainut, imailgumakpata, kihimi ilaani hikut nuutitilikpaktut imailgukatautainit. Umayukhiuktut ovalo autlaaktut hanahimayut apkotauyamik hinaani, hikuni ovalo skiiktut ovaluniit

skidooktut malilaakatut hapkoa. Munagiyit ikayulaaktut autlaagutikhainik kikiktanut, takulugit ingilgaat iklugaluit ovalo nigiyaktuklutik. Koyaginak kitumi ukiumi autlaagaagat munagiyikahutik alianatkiyat ovalo ilihalaaktutit amigaitkiyainik avalii kuvit.

Kingmikut autlaagiagani kikiktanut pilaaktut ovalo alianaktut. Alianaktuk autlaagiagani kingmiit Kanatami (Nunavumi Umayuit), autlaaluni apotimi, naalalugit kingmit anikhaagutait talvatuak ovalo aliat napaktigutait apotimut. Nigilutit ovalo teetuklutit aliani, haniani hiniktut kingmiit ovalo kungialugit piniktuit nunait, kimaniaktut puiguktaitainik. Tuhalaaktutit ukautainik inuuhit nunaini Inunit inuuhimayut nutagautitlugit mikiyuni nunaligigalaani, autlaakatigiyait ilakatigiit nakuuyumik ikalukhiukvikhainik kinikhiavlutik ovaluniit tuktunik ovaluniit natinik pilaaktainik.

Puiguktaitlutit pulaalutit Kinngaimut, ikpinaktuk ovalo aliagiyayuk ilanga, takuyakhat. Hanahimayuk Hudson's Bay Kapniit niuvikviani 1913mi, Kinngait anginikhaanguyuk nunainik Kanatami hanauyayuktut. Hanauyaktut ingilgaat inuuviviniit hamani, mikiyunit hanauyakhimayut hivuliit-Dorset ovalo piniktut hauniit ovalo tuugait hanauyakhimayut Dorset, avaliitut Thule hanalgutait ovalo amigaitut hanahimayut ublumi Inuit. West Baffin Eskimo Kuapakut hanahimayut ovalo niuviktivaktait nunakyuami amigaitut titiguyait ovalo hanauyakhimayait, piniktuliukhimayut ovalo hivuliit uyagaliat hanauyakhimayut pilaaktut hamani.

Mallikjuaq Pulaakatakvik Havakviit, iluaniit Kinngait, takulaaktut amigaitunik ingilgaat hanalgutainik ovalo piksait kinguliit Dorset ovalo Mallikjuaq Kikiktait ovalo nakuuyuk talvanit autlaguvit.



Tuhafaagumaguvit **Mallikjuaq Nunavumi Pulaakatakvik** ovalo pulaakatakviit havakviit, takulugit Nunavumi Pulaaktiligiyit kagitayukut takulvia: www.nunavutparks.com, ovaluniit foniklugit akiitumi Nunavumi Pulaaktiligiyit hamani: 1-866-NUNAVUT apigiyaangani Nunavumi Autlaagutikhait Paknaiyautikhainik, katitihimayut tamamik laisinsikatunik munagiyit, hiniktakviit ovalo ikayugutikhait.

NUNAVUMI PULAAKATAKVIIT OVALO NUTAAT NUNAIT

☎ 867.975.7700 ☎ 867.975.7747
parks@gov.nu.ca
www.nunavutparks.com

MALLIKJUAQ PULAAKATAKVIK HAVAKVIIT

☎ 867.939.2416 ☎ 867.979.2406

NUNAVUMI PULAAKTILIGIYIT

☎ 866.NUN.AVUT ☎ 867.979.1261
(1.866.686.2888)

info@nunavuttourism.com

www.nunavuttourism.com



